

Londoni et orat. p. m. m.  
D. Thomas Aquinas


Febr. 2491

Chocisewski Valeriani: Motor

extra coelum angelus angelicus

Doctor D. Thomas Aquinas. 1682







MOTOR EXTRA CÆLUM  
ANGELUS  
ANGELICUS DOCTOR  
D. THOMAS  
AQVINAS,

Sacri Ordinis Prædicatorum  
Panegyrico plausu ad publicum  
Auditorium

In Basilica S. Nicolai Conventus THORUN-  
sis Ejusdem Instituti.

PROMOTUS

Per suum pro exedra Oratorem

P. F. VALERIANUM  
CHOCISZEWSKI,

Ordinis Minorum Strictioris Observantiæ Refor-  
matorum Conventus Podgoriensis cis Tho-  
runium Philolophiæ Lectorem

A N N O

A quo Motus proprius Pontificis DEI mobili  
innocuit Orbi 1682, Die 7 ma Martii.



39084

三



# ORATIO.

**I**terum suus terris mittitur Angelus. Auditores Sapientissimi. Iterum suus adest telluri Nuntius, quia Angelus, Angelicus inquam Doctor Divinissimus Thomas, aures petit & oculos. Recipit hodie, inquinatus orbis, inquilinū Coeli, recipit in advena Theophrasto, novum plāstem, qui de limoso tetræ cæno, illime efformet cœlum. Quāquam nativum hic Angelus, circumfert Cœlum - cuius Augusta Aquinatū sidera, angustam non faciunt lucem. Doctor Angelicus, rectè Angelicis stipatur titulis, sive in illo Virtutem communem spectes, Angelis, sive videas Principatum. Intelligentias si vocamus Angelos? Intelligentiam omnem, rectè vel solo exprimit intellectu Thomas. Ea namq; est intellectui virtus, ut si quandoq; Angelos facere non possit, eruditā Intelligentias faciat metamorphosi. Angelus datur mortalibus Comes, Angelicus Doctor, origine Comes, non disparem à cœlitibus regerit fortunam. Et quidem si Spiritum obijcias? Paternam Thomas, illamq; corpoream respuit substantiam, ut de toto Spiritualis esset. Si Chorum attendas? in Dominationis ille recensetur Hierachia, qui ipsis dominatur Musis. Si munia conferas? majoribus iste afficitur officiis, Commune illi siquidem cum Cœlitibus seu faciem videre Patris, seu vultum veritatis. Commune cum iisdem, rudes ut inferiores Spiritus erudire. Hoc à cæteris discrepat calculo, quòd ubi alij in viis suis faciunt viatores, hic in sua efficit Comprehensores ubi cæteri hostium depellunt terrores hic solus mentis propellit errores. Singuli Mortalium, singulis egent Custodibus, complures docti hunc unum prædicant indigerem, quia custode illo indigent Angelo



Quare non cadens ca sibus Cœlum, Luciferi ampliùs non  
doleat casum, quando etiam citra Cœli injuriam, suis terris  
assurgit Lucifer. Orbem ulteriùs luce, non se defleat orbis  
dum Angelus Lucis, Angelicus Doctor, manet *lumen cuncti*.  
Atq; jactet hodie, suam Africanus Africam, ostendet adju-  
dicatum Torquatus torquem, Dentatus nomen, à dentibus  
eruat, Cincinni, Cincinnatum coronent, Corvus Corvinum  
ornet, Fabius à Faba ducat orginem. Scipio scipioni debeat  
primordia, Angelicum ab Angelo immortale traductum no-  
men immortalibus gloriæ adseribitur fastis. Unde, fuerit  
nonnunquam Antiquitati Sacrum, sacros celebrare Geni-  
os: Te ego Divinissime Doctor dum Angelum veneror,  
antiquis Novum compello dictis.

*Magne Geni, cape thura libens, votisq; faveto.*

Et exanime Panegyris corpus, Te ipso anima, qui Spiritum  
præfers. Ego interim Panegyrico plausu, quia Angelicum  
Doctorem motorem extra Cælum prædicabo Angelum. An-  
gelico Spiritui Auditor sapientissime, respondebis cum Spi-  
ritu Tuo, ubi Tractatum philosophi de Angelis, hac in par-  
te Theologus, acclini excipies aure.

Priùs penè Aquinaticus Thomas Stagyrita fuit, antequam  
Infans; dum Motum suum à Comitibus Aquinatum, ut  
termino à quo incepit. Priùs Landulphi Cælo deputatus  
Angelus quam natus? Cælo inquam quia Illustrissimo, Illu-  
strissimæ Comitum de Aquino Prosapia. Prius paradoxo  
ordine, in Luce fuit, antequam communem expertus lu-  
cem; lucem namq; principum Natura donat, Heròas Deus.  
A luce datus, ad mundi tenebras, à tenebris ad vitæ lu-  
cem, motus sanè motibus contrariis. A Comitibus produ-  
ctus, vitam feliciùs comitem hausit. Aggressus Naturam  
Angelus, aggressus Principium motus: Natura quippe Stoi-  
cis principium indicat motus. Ut pene jam non soli Cælo-  
rum



rum orbes, Angelorum sibi debitum revolvant motum. Natus Landulpho Comite de Aquino, ipsis aquis vicinior Spiritui, supra quas olim ferri Spiritui commune fuit. Ab aquis suum deduxit Nomen, sine quo terra ut principali elemento mansisset arida. Prædictus Theodoræ matri, ab Eremita, mutorum etiam in deserto lingvas fecit disertas, Nato Terpsichoro Poëtæ Luscinia astitit, nascituro Thomæ, sylvestris dedit vocem Ales. Citiùs ad illum, ejusmodi alites, quàm ad Alexandrum aquilæ convolarunt. Et his quidem suffecit, Regalis teſti quieviffe fastigio, has verò de-  
cuiſanctiora ceciniffe auguria. Bonis igitur natus avibus, quia à sylvestri alite Nomine **B o n o** Asceta prædictus. In magnis ejus Genthlijs, auditæ Matrum per plateas voces, ad Scholam pueri, ad Scholam pueri, quibus jam suus parabatur Magister. Et hæc namq; Tyroni felicitas, bonum reperiffe Doctorem. Infantis vagientis luctus, solo librorum temperabatur delectu, ex quibus solatium Orbi, lætosq; erat daturus plausus. Innatum pueris puer anteverit morem, ad literas gaudia miscens, ubi fletus incipiunt. Hinc legere quisq; poterat, non tam ex illis libris, quam liberiori Infantis genio, magna futuri præſagia ingenij. Verùm coſtitit Thomæ, vel in Cunis, per Constantienſem præſulem, **MARIAM** cælum eſſe, (*Epiph. orat. de Dei par.*) illiproinde, vel mutus ad huc, quia Infans, nobiles mutavit motus. Alluebat bona Mater Achillem suum, non jam styge, sed Limpharum balneo, cum ecce ille deſcriptum **MARIÆ** Nomen in ſalutatione Angelica, pulchro abſumpſit omine. Quasi **MARIAM**, vel inde veram oſtenderet Palladem quod jam non in Tritonia, sed Aquinatica primùm viſa fuerit palude. Siccine Thoma, naturæ diſordinas ordinem? & ubi omnia in mare intrant flumina, in tuum gentiliuum flumen intrarunt **MARIA**? Siccine anguſta revocas Auguſtini tempora Angelice puſio & exigua oris Tibi favens favilla, integrum abſumis Oceanum?



Sic, sic, ab aquis natus Aquinaticus Thomas, solas expetie  
aquas. Immenſum ſorbet Marianum Neptunum; ille qui  
major eſt Evclionum abyſſus. Conceptam Tantalum in fa-  
ſciis ſitim integro reſtingvit Mari. Affines nomine cū ſint  
littoribus literæ, ſtremem iſtud non littora tantum, ſed literas  
lambit. Fluidum Aquinatum elementum, elementa in Ma-  
riano Nomine appetit literarum. Totam uniones aquis  
cū debeant originem, Divinam ſibi Aquinas, nativo ju-  
re univit Concham, Si Philoſopho teſte, Mamilla mundi  
mare dicitur, Infanti Noſtro non aliud in cibum ceſſit pe-  
ctus, quam M A R I Æ. Hoſpitari nonnunquam ſolitus ſol,  
amodo in ſe pandit hoſpitium. Illuſtrata hætenus à ſole  
Luna, hodie ſolem, illuſtravit Aquinaticum. Cumq; illi è  
vicino poſita, ecclypſim, de more inducere debuerat, tunc  
pulchrius illuſtravit. Habet, & hic de Aſtronomi notatu,  
Sol comitem ſtellam, ſive MARIAM orienti Phoſphorum,  
ſive occidenti Heſperum dicas. Repertus olim inter Muſas  
Apollo, hodie Muſæ ſuum inter repertæ Apollinem. In-  
titulatus nonnunquam Literarum Heluo à Platone Ariſto-  
teles, eundem reipſa Infans Thomas, abligurivit titulum.  
Ideoq; ſumpturus vir integra volumina, chartis Fuer de-  
glutiendis aſſveſcit. Nec enim alia ſalutatio Angelica concer-  
nebat labra, præter ſolius Angeli: Quam cū ore exprimere  
nequiret, altiùs tranſmiſſam impreſſit cordi. Solo ipſi mo-  
dulatus corde, ubi clauſa vocis fuere organa. Cū in Ma-  
tris nequivit eſſe viſceribus Matrem in ſuis cuncluſit, ut vel  
ſic Cœli fieret conſanguineus. Et hæc ejus non vulgaris fe-  
licitas, vulgi ſuperavit fortunam, ubi MARIA Joannem in  
maternis inviſit viſceribus, Thomam in propriis. Pendulus  
ab uberibus, Angelica abſumpſit verba, ut jam inde Ange-  
lico aſſveſceret cibo, qui Angelicum nutriret animum. Præ-  
ſtito de cœlo cibo, eſurientem obdulcavit pectus, nimirum  
cœli civis, non aliâ debuit ſatiari annonâ quàm quæ de cœ-  
lo



so venisset. Hinc non mirum, quòd Angelorum factus con-  
viva, totus in mores transierit Angelorum. Ex quo, discere  
cibum grandium Christum esse, cibum Infantum Mariam, ubi  
uterq; nostra exambit viscera. Et Tu adolesce Infans, ado-  
lesce, non medullis Leonum, ut Hercules sed Coeli pa-  
stus edulio. Vive, vive, felicior Saturne, hoc pharmaco satur,  
non enim novelle Antoni. Regnum bibisti, sed Coelum ipsum  
comedisti. Creverat jam in majorem ætatem pusio, qui ut  
etiam in majorem cresceret virtutem, ad Cassinum non cas-  
sum piorum reddidit laborem. Reperit quippe in Cassino,  
Sanctiores Cassianos, quorum magisterio, jam non Landul-  
phi tantum, sed & Virtutis nasceretur Comes. Reperit ve-  
riorem Parnassum, à quo melior surgeret Apollo. Quinquen-  
nis Benedicto traditus, à quo solam benedicendi disceret ar-  
tem, futurus magnus Rhetor. Si olim asserente Livio, quin-  
quennalis Magistratus exitit, jam ille pusio, in suo quin-  
quennio, Magistrum Tyro redolebat. Ad vitæ initium, initi-  
atus virtute, illius optimum, sortitus est finem. Ut dubi-  
tes innatam ne, an acquisitam habuerit? Infans ad sacra con-  
fugit fana, ut Annibalem puerum crederes, ad aram jura-  
re excidium, illum Romanorum, hunc vitiorum. Suplevit  
in puero virtus ætatem; quod enim ipsi immatura ademerat  
ætas, hoc meliori fœnore virtus reposuit. Annorum cursum,  
ita cursu autecurrit virtutis, ut Senium quod adultus debu-  
erat, viveret puer. Pietatis tam pulchram junxit antithesim,  
ut virum in puero ferret, autumnum in vere faceret, meri-  
diem in ortu crearet, seriem ipsam in exordio proponeret vi-  
tæ. Maxima indicans, majora pollicitus adhuc. Non sem-  
per enim virtus expectat canos. Honorum cursum, præ-  
currit pietas. Moram non trahit, quem pulchris indoles in-  
struit moribus. Dies non computat virtus, ubi Bonitas su-  
perat ætatem. Sed detineri hic Angelus, ad Benedicti nequi-  
vit Zodiacum, quem Dominici trahebat Sidus. Noverat  
nempe



nempe Pastorale Benedicto inesse pedum, à quo pedem extu-  
 lit; ut ne qui honores fugeret, in honores incidisset. Tibi  
 id tamen adnotandum est, meritissima Benedicti Religio, quòd  
 Benedicto Tuo, ceu Sancti tui exorcismo, Spiritum sæculi  
 à Thoma pepuleris, & eidem Religionis indideris. Tandem  
 Neapolim, se Motor movit *Angelus*, ut in nova Urbe, no-  
 vum literarum poneret Tyrocinium. Et illi se juvenem con-  
 secraret Urbi: quæ olim à Cumana condita juventute. Inc-  
 rant namq; Hippocrenei Neapoli fontes, quos non Pegasi  
 ungula, sed Neapolitanus eduxit equus. Ad illum Hippo-  
 crenem omnia maturuerunt in Thoma, quæ adollescere in aliis  
 cæperant. Nullam ingenii cunctationem expertus, quam o-  
 lim Fabius Cunctator in discendo sustulit. Nulli titubati-  
 oni subjectus, cui olim Titus Manlius in studio subditus fu-  
 it. In illa sapientiæ palæstra didicit Doctore mellifluis, rem  
 non celante, Religionem Cælum esse, cui proinde deputa-  
 tus assistere debuit *Angelus*. Et certè si Cælum quasi stellis  
 cælaturum dicitur; consimilem in Divinissimo Dominico agno-  
 vit cælaturam. Si intitulante Gregorio, Magnus Domini-  
 cus *Auroræ* sortitur Nomen? equidem sol *Aquinaticus* præ-  
 euntem secutus *Auroram*. Si alteratio Motus est? hunc mo-  
 tum expertus noster *Angelus*, factus.

— — — *Alter ab illo.*

In anno tertio decimo famosis Prædicatorum adscriptus  
 Prædicamentis, majus sibi ipsi Prædicamentum adjecit. Hæ-  
 reditariâ relictâ Substantiâ, sacrum Dominici amplexus  
 Habitum, à primo ad ultimum novas in Spiritu fundavit  
 Categorias. Ductus ad DEUM, eò prodromò fundato-  
 riæ stellæ, magnus *Aquinatus* sanguis, quò olim Magi ad  
 eundem deducti. Et hic namq; *monstrant Comitibus astra vi-*  
*am*. Publicæ natus luci, iterum à luce primordia sumpsit. Se-  
 renissimus juvenis nativam ne amitteret serenitatem, lucidæ  
 Domi-



Dominici junctus est Cynosura. Et equidem, sola Cynosura Comitum debebatur aquis, sola Pharos Aquinaticas con-  
cernebat Lymphas. Adeo ut Dominicanæ Thomas adju-  
ctus luci, tunc secundò in lucem editus dici potuisset. Jamq[ue]  
gratulor Tibi Fundatorie Canis, quòd eam Tibi venatione  
conquisieris feram, quam olim vaticinio sylvestris detexerat  
Faunus. Gratulor Tibi solo facula Dominici ardescens ze-  
lo, quòd eum in Juvene accenderis ignem, quo non unus.

Virgilius - - - - Jam proximus ardet

2. Æneid. - - - - Vcalegon. - - - -

Gratulor Vobis Candidi olores, quòd ita Aquinatico sumi-  
ni, ceu Caystrio, jam liberè innatetis. Tu verò, ó Doctor  
Angelice Prædicatorio jam assistens Cælo, aliam virtutum  
move sphæram, in quasint scilicet.

Virg. eccl. 3. - - - - Jovis omnia plena.

Quamobrè Jam juvenis, jam Vir, jam se formosior ipso Ov.

Omnes virtutum recipit formas, tanquam singularum capax  
materia. Innocentiam ejus si tangeres, statum primum rur-  
sus stare putares. Ei simul omnia, quæ uni vix singula con-  
tigère. Fide instructus divinà, pulchrius cecinit, Charita-  
te imbutus, ipsas gratiæ spirabat Charites. Solà spe forte ca-  
rens, qui toties dotatus à Cælis, jam pene beatus vixit. Quì  
olim viderat templum in speluncam versum, ipse speluncas  
etiam vertit in templa, omni loco oratione fervens. Affectu  
supra terram levatus, cunctis eminebat; quasi terrena omnia  
sub pedibus habere vellet. Sic Divo Oratori non alia placu-  
it suspensio. Magnus in aliorum oculis, parvus in suis. Ela-  
tus etià semper humilitate vixit depressior. Bononiæ in-  
feriori associatus socio, hoc se ipso superiorem fecit, dum  
egit infimum. Erat quòd stuperet Bononia, dum Comes  
Aquinaticus, Comitem profitebatur Angelum; Doctor An-  
gelicus



gelicus, post gymnastica theoremata, praxim fuit dejectionis  
aggressus. Hinc post, oblatos recusavit honores, illis se onerari  
non honorari sentiens. Infulatis noluit attolli verticibus, qui  
humiliore delegerat statum. Ut liberius ad astra tolleret vultum,  
Archiepiscopali noluit verticem gravare tiarâ. Christo mori-  
enti, sepius commoriebatur: Abi consum in sacra synaxi, suis  
abscondebat visceribus; quasi Angelico Doctore, solus An-  
gelorum deberetur panis. Inediâ maceratus, agnovit,  
parsimoniam virtutis magnum esse vestigal. Ardua quæq; ag-  
gressus, Regium exprellit in Comite animum. Nimirum as-  
cendum duris est, qui cælum cogitat. Longum, & ar-  
duum iter, delicatos non tolerat viatores. Agni Coena jejunis  
posita est: Felicitatis Patria seposita miseris, æterna requies ap-  
posita fatigatis. At novum pro virtute videamus Achleram,  
motore spiritum, matrem in furias moventem, & luctantem An-  
gelum. Aggreditur arenam, quam solus instruxit furor. Mater Bel-  
lonam agit, frater Martem, filius hostem, eo tantum nocens, quia  
innocens, eo invisus quia Angelus. Verum non hic bona Mater  
Amazonem agas, ubi propugnari, non oppugnari Tuus de-  
beret natus. Filius est non soror, quem feris nova Penthesi-  
lea! sanguis Tuus est non hostilis, contra quem decertas Mar-  
tesia, non sic heroicis veterum insistitur ausibus Heroïna! Ere-  
xit Imperium Helena, Persiam Cæsarea ad fidem traduxit,  
Galliam Theodelinda, Franciam Clotildis, Hispaniam Un-  
degunda, Angliam Margaretha, Ungariam Gisela, Poloni-  
am Bamburca, Germaniam Ethelberga, alia aliò, aut Reli-  
onem intulerunt, aut pari conservarunt laude; Tu sola sa-  
eram Dominici Religionem infringis? Crede, crede Mater,  
notum orbi nunquam consequeris finem, dum Tuum perse-  
queris natum: Jam verò vide quid tantum proficiet nefas. At  
molles neminem emolliunt Favonii, quem durior obduravit  
furor. Maternis filius actus furoribus oppugnatur non expu-  
gnatur; vincitur, non vincitur, mancipium in libertate, liber



in mancipio. Libertatem maluit amittere, quàm virtutem  
omittere. Etiam namq; inter vincula fortis triumphat ani-  
mus. Nec ille semper jugum ponit animo, qui corpori. Infa-  
mi intruditur loco, ut illi detrahat ignominiam. Virtus enim  
quidquid intrat condecorat. Ad tenebras damnatur, ut clariùs  
inter opacas resplendeat tenebras. Major fuit, quàm ut arcta-  
ri caveis, aut coarctari posset catenis. Quocirca vel hic eti-  
am Magni momenta legite Thomæ, quæ ille dispersus col-  
legit. Nimirum Prædicatorum Curtius, tetri hiatus subiit  
Carceris. Nullibi liberior, quàm ubi ageret pro Spiritûs liberta-  
te. Vocaliùs orbem implevit ferrearum sonitu catenarum,  
quàm si aureæ personassent: Nam mulcere illæ aures natæ,  
non animos erudire. Prælia meditatus contra Erebum in cunis  
his voluit adoloscere in fasciis. Nempe tales virum decent  
fasciæ, quæ vel amore Patriæ infascinant oculos, vel ulteriùs  
disponunt ad fasces. Carcer illi pedum ademit libertatem  
non animi, quâ illo lustro, meliùs lustrabat sidera. Cui pro-  
nunc licet damnato ad vincula quia tamen Leoni, flebiles Leo-  
nis intonent alites: heu Thoma! heu Thoma! sævisisti hætenus  
piâ in Parentes impietate, sævis debet ulterius pulsquâ Her-  
cules quia contra duas sorores. Vidit tunc ætas, novam rerum  
æstatem, binas nempe sorores fratrem vindicantes, ubi olim  
bini fratres suam vindicarunt Helenam. Sed neq; illa vira-  
go, voraginem vel Abyssum potiùs absorbere potuit. Va-  
stare se quæ venerant, ex illis sacras effecit Vestales: ubi uni il-  
larum communicatâ à Dominico incensæ flammâ sacrum inie-  
cit flammæur, O stupor! Vincetus Thomas, majores animis  
jacet compedes. Fundaturus gymnasia, fundat gynæcea,  
hic docturus scientiam, hic virtutem, in utroq; Caesar, &  
Magister. Tunc verè immissam sibi agnovit Germanam,  
cùm illa suscepto Spiritus germine, consimilem germinavit fru-  
ctum. Romanam olim felicitatem sibi venisse vel tunc censu-  
it Romanus Adolefcens Ælius, dum Beatricem unicam Theo-



dorico natam, Æliâ suâ excepit navi: at Tu Felicis nomen de  
 toto occupa Dive Juvenis, quodd Tuæ matris filiam verâ Re-  
 ligione Beatricem, Pudicitia Lucretiam, pulchritudine Isa-  
 bellam, Virtutibus Pulcheriam, Artibus Eudociam, Sancto  
 amore Sanctiam factâ, Gentilio Cælitibus, transmiseris flumi-  
 ne. Ita Motrix Intelligentia, movere poterat, moveri minimè, fe-  
 riente furore: cùm ecce movendo Juveni mediorû luxû, ultima  
 subsecuta Luxuria. Tædio virtutis absumpto animo turpis  
 admovetur tæda, quam gurges extingvat Aquinaticus. Acer  
 Erebiafflatur fumus, quem virtutis depellat fomes. Cæci spar-  
 guntur amoris tenebræ, quas lucidior in Thoma dissipet  
 Phæbus; ipse blandiens instruitur Cupido, quem suæ non  
 sequantur cupediæ. Heus Thoma quid agimus? Informi  
 non servias formæ. Olori Tibi, Venusinus accinit olor,

Horat. lib. 3. *Iustum & tenacem propositi virum*

Carm. ode 3. *Non vultus.* - - - -

*Mente quatit solida* - - - -

Liber Aquinatum sanguis, mancipiî nunquam sustulit ju-  
 gum. In ipsa etiam captivitate liber, captivæ non servias.  
 Et jam exhorruit ipsa verecundia, ad effrons Monstrum, ubi  
 hominē sine fronte agnovit. Toto illo carceris squalore, gra-  
 viorem sibi nullam putavit diem, præter illius Veneris, quæ  
 atram Soli minabatur ecclypsim. Verùm flagrare Tho-  
 mas visus est, non conflagrare. In mediis flammis vivacior  
 vixit Salamandra.

Horat. in arte *Multatulis, fecitq; puer, sudavit & alfit.*

*Abstulit Veneræ.* - - - -

Ad motis caloribus nescit rare fieri Aquinas. Niveus candor  
 Acherontis non infectus fuligine. In umbris Carceris, adum-  
 brari non passus Thomas. Elusus discessit Cupido, ubi ig-  
 neis contra Aquam pugnavit telis. Nec enim nativi deerant.  
 Aqu-



*A*quinati liquores, quibus concepta in alieno pectore exting-  
 veret incendia. Stetit ad Larem accensum incombusta la-  
 rix, ad ignem non ignavus, ad fraudes non fractus. Nimi-  
 rum non semper omnes populatur populos ignis, adest etiam  
 suus æstus æstus. Ignis sphaera manet (Philosopho teste)  
 proximo vicina Lunæ concavo, nec tamen Lunam infuscat  
 proximus ignis. Per Æthnam calidam sparguntur gelidæ ni-  
 ves, *arcano tamen servantur gelu.* Totus in flammis licet mons  
 exardescat *Abanus*, non aridum tamen profert semper viro-  
 rem; ut merito citra aliorum ignominiam *Caroli Rancati* me-  
 ritus sit *gnomam*; *Inter Incendia viret.* Pulchra dum turpes  
 fugit *Daphne Apollinis* æstus, in æternam conversa laurum,  
 virescit & triumphat. Triumphat & *Thomas*, ubi *Fescen-*  
*ninos* jocos, & *Paphios* sales ut noxium oculis abhorruit sa-  
 lem. Stetit novi sæculi *Cyrus*, inter *Pantheæ* delicias: *Alex-*  
*xander*, inter *Persidis Darii*q; spolia, *Scipio* inter *Carthagi-*  
*nis prædas*, *Nicætas* inter *lenocinia*, & pene *Spurina* inter  
 spurenties, præsentis audendi occasiones, heroico attrivit  
 ausu. Claude hic, claude officinam *Vulcanæ*, non ferro jam  
 hodie, ferus vincitur hostis. Et Tu Auditor Sapiientissime  
 Symbolicæ in *Thoma cœlesti* inscribe sphaeræ, *Immota revol-*  
*vor.* Forma nitido adamanti formulam, *Candor illæsus.* Ut  
 vero rarior triumphus æterno posteritati transmitteretur  
 stylo, illum arrepto utione, in ipso descripsit hoste. Quo  
 ferè inusitatam instruxit aciem, ubi contra novam *Camillam*  
 ipsos etiam certare iussit caminos; æstumq; est torce.

*Virgilius. - - - Sudibusve prævitiis.*

Ut pene ignibus extingveret ignes. Mutavit solitum *Antiqui-*  
*tati* modum, & ubi accensis olim facibus, *Hymenæi* ducen-  
 tibus ad thalamos, ille deducit à Thalamo. Noverat scilicet  
*Cæcum Cupidinem*, cui ne longius in mentis & Carceris erra-  
 re veniret tenebris ignem prætulit. Tædam assumpsit, ad cu-



jus sibi inimicam lucem, vespertilio ille lippiret. Impressit corpori notas, ut mentis abstergeret. Et animo adusto igniculis congruum duxit corpori. sensisse eosdem: vel certè ut simile citius simili evocaret. Cæterum fervori Thomæ, & motoris Angeli primis motibus date veniam, judicem ille quippe egit non vindicem, ubi sacrilegam ad ignem condemnavit; foco simul & hostem & hostiā litans. Scilicet & hic etiā publica decarcere excommunicatio, sine jactis flammis absolvi non poterat. Hincq; verum concludite Angelum, quod & ignitum tulerit calculum, & physicam ignis (docente subtili) nescierit actionem. (*Scotus in 4. D. 44. Q. 5.*) Sic à virtute Constantiæ, alter Constantinus, clausis januis, iisdem armis inscripsit signū Crucis, illud scilicet in quo vicit. Induxit foribus Crucem, quasi binis illis vectibus, melius aditum obseraret, ac personatum Erebi genium, solā deterreret Cruce. Et bene nigra postibus inscribitur litera, quā non nisi niger fumigantis Orci damnatur tenebrio. Ergo Thoma quia pro Cœlo hætenus militasti, suppetias habede Cœlo. Tentato Tibi plus quadraginta diebus, quia integro biennio, ac retro presso æmulo, accedentes ministrabunt Angeli: Commune siquidem istud Angelorum trophæum, ubi in Te uno, omnes vicerunt. Proinde si Apocalypticus Angelus es? Zonā aureā præcingi debes; si Palæstrita? balteum mereris, si unus de Prædicatorum albo? cingi teneris, claram altiùs daturus vocem, si viator? cingulo eges succingendus, si fasciculus? constringaris non dissolvendus, si Evangelicus? lumbos præcingas, cum jam totus lucerna sis; si demum vivum in Te describis Cœlum, hæc Te Zona decet, qui non unam virtute expresisti lacteam. Dixerit olim modestiam, Zonam purpuream Euripides, quā pudica cingitur indoles, ne laxius difluat. Gentilitium Tuum Eurippum cinctura & ambitus decet ne amplius humano diffluat more. Itaq; præcingere, præcingere Princeps scientiæ, cum Principe Ecclesiæ, ductore Angelo, squalidum



lidum tandem relinques carcerem. Albâ Magni Dominici  
indutus es, nunc iterum Cingulo ab Angelis præcingeris, reli-  
quo sacerdoti Te præpara ornatui. Concute alas Angelice A-  
les, & celerem Motor move per æthera pennam. Hic verò  
toto Cœli theatroplausus excitus, ubi nec minore prælio, nec  
præmio victoriæ, conspicuus claruit Aquinas. Per murum  
demissus Doctor Angelicus, & in hoc secutus Doctorem Gen-  
tium. Maternas evadens manus, cum vita amplas gloriæ &  
virtutis retulit manubias. Per fenestram paterna profugus do-  
mo, nactus effugium, indicavit; quod illâ fenestrâ, & sub-  
dolum perspexisset mundum, & ardentem furiis fugisset Tro-  
jam. Sed eia erraticum sidus, in quam tandem pelleris o-  
ram; exul beate quam requiris patriam? triumphans trans-  
fuga quem petis terminum? Prædicatorum Phæton,  
quam appetis augem? ut relictâ Paternæ domus specie,  
vagum aberres individuum? Juratus erat Thomas Domino,  
quia Dominico, servus, diu à proprio abesse non passus he-  
ro. Aquinatum Comes, socium requisivit. Biennales Carceris  
protrahens ferias, in Dominico, ut sabbatho, sabbatho, requie-  
scere cupit. Ferreum se quia in arduis fecit, à Magno Alberto,  
& magnete verius trahi debuit. Ergo iterum ruptum suscitavit  
Angelus Cælum, cum sol Dominicæ jungitur stellæ. Et floren-  
tis ævi indoles, Parisiano inseritur hiliato. Et quidem sic de-  
cuit candidum juvenem lilis adscribi, sic licuit intactam virtutem  
lilis coronari, sic debuit carceris gravi confectus odore, lilis  
ad moveri; Ut illum non læderet liliorum odor, quem virtus  
stabilem fecit. Egit namque & illud Lilietum Aquinatum aquâ,  
quâ fieret *florum minimè minus*. Egit Parisium suo Paride, in  
quo vel antiquum sui veneraretur Conditorem, vel sua se con-  
dientem præsentia. Ambit Galliarum sedes, cum Principem, qui  
scientifico erat imperaturus orbi. Si Luteria ex Græco ab al-  
bedine dicitur novo sui Thomam nigrum inferere tenebatur al-  
bo; si à candore? recipere Candidatum; si ex vulgi etymo à  
luto? Lithostrotum illius, Aquinatum doctum debuit di-

lucra



luere flumen. Invidit tamen Colonia, eam Lutetiae fortem,  
quod sola ab Aquinatico illustraretur sole; ac proinde abstra-  
hens Lutetiae Thomam, parem se fortunae Parisio fecit. No-  
verat scilicet fundatricem sui Agripinam, ex veteranis militi-  
bus deduxisse Coloniam, illis igitur si non Colonellum, cer-  
te Ducem, & Principem ipsum statuit Thomam. Ibi verò ad  
magna natus, magnum sortitus Albertum Magistrum: sub  
quo erudito Chirone, gloriosior surgeret Achilles. Illum re-  
cepit Doctorem, à quo Aristotele, magnus evaderet Alexan-  
der. Illum secutus Instructorem, sub quo Isocrate felicior fie-  
ret Theopompus. Quippe magnum animum, humilis non  
deceat situs. Alta virtus non petit demissa. Magnum magna  
decent, & non parva in doles, tamdiu majora appetit, quam-  
diu ad maxima datur gradatio. Hinc quid mirum? si Duce Ma-  
gno Magistro, summam Thomas Theologiae scripserit? dum  
à Magno sola sperabantur summa. Verum quia necdum de-  
cortata manet in sua veritate, licet Curtii praemia, Altissima  
quaeque flumina, minimo labi sono, dum & Aquinaticum non  
sonuit flumen, in muti Bovis resonuit nomen. Et bene Bovis,  
qui natus ad laborem, non praecoci labitur passu. Bene Bo-  
vis, qui ad aram & aratrum datus, non aridos ubi vis protu-  
lit fructus. Bene Bovis, qui tacite ruminata vocalibus spar-  
sit rugitibus. Etenim splendenti ille linguae vomere, feracem  
Religionis excoluit agrum, cum felici jactu sementis, magno  
fuit proventus frugifer. Sive cum ut vitulus, sacrum in aravit  
agrum, sive cum ut Doctor literas exaravit, utrinque magnam  
gloriae collegit messem. Quare veriori vaticinio A pollinis tri-  
pode, à magno Alberto prorupit oraculum, convitium illud  
ut vitium arguens. Mutum inquit Thomam rideas Bovem,  
sed vos vitulos agere necesse est, ubi ille Bovem excefferit. Non  
semper qui silet, obmutescere solet. Et Tacitus quandoque vo-  
calis est. De lege quae mutae sunt literae, naturam Consonantes  
nascuntur. Diu bellicum obmutescit tormentum, tamen Cum  
sonitum



*sonitu feriet. Organum sæpe longas silentij traducit moras, illi  
tamen Dabit aura loquelam. Multoties æra sonora silent, attamen  
Resonabunt attracta. Clausa suo delitescit conchyliogemma  
& tamen splendet aperta. Cœlum minutiora sæpius noctu ja-  
stat sidera, in quo tamen pulchriora latent. Taurum soli colendæ  
putamus deputatum terræ, ille tamen, Vicinior Cœlis, Astrono-  
mi excolit ingenium. Et Bos iste non victimam tantum, sed  
amplam promittit hecatomben. Cornua si suffert? hæc sci-  
entiæ redolent Cornucopias. Taurum si præfert? fiet iste  
Hæresi, gravior Phalaridis Taurus. Audita olim Cleanthes  
à Zenone, chartarum penuriâ, ossibus inscribebat Boum.*

*Fient ista palam, cupient, & in acta referri.*

Quando contimiles literæ, in ore Thomæ, & ossibus descri-  
ptæ patebunt. Negotiosum enim, in commoda humana Cæ-  
lum, nutrit animal, laboribus innutritum. Ergo, bene est,  
Bovem sanè referat, in omni quippe enuntianda veritate, a-  
deo firmiter figet pedem, ut non faciliè adversis valeat dimo-  
veri machinis. Boaru ipse tuo, neminem non beatum faciet,  
dum mutus interim, cogitat mugitibus totum replere Orbem.  
Dixit, & dictis simul suus venit eventus. Nam ubi sol Aquina-  
ticus Doctorem attigit augem, augeri cæpit nitidis scienti-  
æ, & famæ fulgoribus. Nec amplius Pythagoram silentio  
præculit, ubi.

*Alciat. emblem. Fama viros, animo insigni, præclaraq; gesta.*

*amor. 133. Prosequitur. — — —*

Hicq; potissimum Motor Angelus, movit Cœlum, ubi Ma-  
gistralem cœpit movere pennam. Astris enim simillimum no-  
men, scholastica referunt castra; dum.

*Claud. de 4. consul. Mobile mutatur semper cum Principe vulgus  
Honor.*

Et Princeps. scientiæ, motorem spirat non raro spiritum;  
Omnis quippe (teste illo.)

*Joan. Auden, epig. 13. Princeps, principium motus — —*

C

Quam



Quamquam compendiosi & ipse Thomás nomen meretur Cœli, cuius perpetua revolutione Orbis stat literarius. Cœlum scilicet ille planetarium, in sua complanavit doctrina, licet nihil in ipso sit erraticum, qui à motu primi mobilis nunquam exerravit. Omnis (cœlo teste) erroris expers, quia bene exaravit. Quare jã felici? Stoa, Peripata, Lycea, Sorbonæ vel sola nominis sorbentur Abyſſo, ubi Thomas Noster, non Doctorem tantũ sed & Ductorẽ proficitur. Quo ducente nõ amplius tortuosos animus literarũ pertimescat Mæandros, non abditos Aristotelis fugiat Euripos, non Divinæ mare exhorrescat scientiæ, ubi melior Thomæ tabula Hydrographica; *Monſtrat nautæ tutũ iter.* Enimvero aruisse adhuc usq; hodie, inter errorũ calamitates sepulti docti calami, nisi Aquinatico imbuti mansissent liquore. Cimærias inhabitassent tenebras, nisi Sol iste refulsisset. Cæcos professi fuissent erronei, nisi hunc mundo Cœlũ donasset oculus. Literæ oblitteratæ fuissent, nisi Angelicã sibi vendicassent pennam. Ipsa sacra Palladi humus, omnem perdidisset humorem, nisi meliori Nilo, Aquinatico irrigata fuisset flumine: quod *dum affluit effluit.* Trana, trana, feliciter hunc fluvium, cujus motu, & ductu, felicius quisq; ad Insulas Fortunatas obvertes proram. Illibatum præliba alveum; hunc siquidem movente Monocerote fontem, nullum libantes timebunt virus, spondente Neapolitano Academo, omnes *Hæc Duce tuti futuri.* Docto hanc lympham metire remo, quisquis famæ tuæ impellis Argon; etenim, tot hic extra Colchos Jafones, tot aurei velleris numeras portitores quot Aquinaticis adnumeratos undis. At, quorsum cum motis ab Angelo defluo aquis? Vos potiùs Philosophi motore nostro non moveamini, & ubi Angelos non movere Cœlos intellectu dicitis, in nostra oppositũ discite Intelligentia. Multis orbibus unũ non sufficere conclusistis Angelum, hic (si animus mobile est) tot Cœlos ab uno moveri, quot animos concludite. Et hic namq; Angelus, forma Cœlis assistens est, ad quã dum capax

capax sistit indoles, informatur. Conditum tempus Angeli Cœli  
cōdidit; at in schola Thomæ Angelos nasci, orbis noſcit. Disce  
in hac Schola, & Angelus esto. Motum credit vates ad flumina  
ſolem, ſed ab Aquinatico flumine iterum *Pulchrius exoritur.*  
Quem etiam dum beneficium ſpargit influxum.

Pontan. — *Animal — eſſe putes, quod mobile totum.*

in communem movetur uſum. Ferte, ferte veſtra in lucem eru-  
ditæ ſphæræ decora, veſtrâ tamen intactâ luce.

*Micat inter omnes.*

Horat. *Julium ſidus.* — — —

Solem enim non videt, quiſquis clara Thomæ non videt ope-  
ra. Nec pugnax Subtilium animus ſoli officiit, qui ſua *nunquam*  
*deſicit luce.* In ſole SCOTUS, (dulce Oratori Doctôris no-  
men) nullas agnovit maculas, quas argueret, ſed illi objecit  
contrarium, ut ſplenderet pulchrius. Quod ſi Doctôr meus,  
temeritatis arguitur, quia contra ipſum pugnavit Solem par-  
cite tanti Solis ſequaces, ſol ipſe *maiores excitat aſtus.* Si obje-  
ctum meretur tenebrarum nomen? equidem ſol Diei, noctisq;  
Parens. Si Lunæ aſſumit titulum? utiq; ipſa.

Pontanus. *ſoror ſolis abſente Genitore creata.*

Jam verò nec doctôr Angelicus de militia cenſeretur Cœlorû,  
ſi tranquillam ſemper intonaret pacem. Nec Hercules, ſi ſuum  
non haberet Antæum, fortiorem à Minoritico ſurgentem ci-  
nere. Et hæc quippe Angelico Doctôri gloria eſt, dum habet  
cum quo certet. Quanquam vinci etiam non erubeſceremus  
à Thoma; quia & Subtiles ſumus, & Minores, & certamus cum  
Angelo. Cæterum hoſtis ſuum nunquam deturpat Athletam  
ſolem æquivocus non inſicit partus, ſubtilis acies, nec la ditur  
nec pulchrâ lædit lucem. At Tu, qui olim (*Phœnix è cineribus redi-  
vivus. Pojnania.*) typo, cum *Inquilina latebrarum emblematica ſapi-  
cutia*



*entia Inconsultorum tenebrionum evolasti noctua; patet, qualis sis ingenii, de quo ceu Cimmeriis tenebris, solæ evolant noctuæ; ut umbris amicus partus, solas sui Parentē ostendat tenebras. Non Te Polonæ Aquilæ pullum judico, qui noctuas venaris. Non Florentissimi Craci laureatum baccā, cui veteris Academicum noctuis amicæ umbræ. Cum noctua licet evoles, non mihi tamen adhuc ingenio Atheniensises; Nimirum qui veterē Lechiadimplesti paremiam, dum de Tuo cerebro, non doctam Palladem, sed ceu vasto horreo, solam evolare fecisti noctuam. Parco Tuo nomini, ne Tibi Jovi ministram fulminum, appingam noctuam. quem alias, vel in ipso Evangelistæ nomine Aquila concernit. Tamen disce mi tenebrio, noctuam nunquam penitiùs inspicere solem; Hæc verò magna nomina.*

*Singula magna quidem, sed erunt majora jugata.*

*Alter ab alterius, crescit honore magis.*

Seraphicis Thomas, multum amicus fuit nominibus, utpote affinis de coelesti Hierarchia Angelus. Hinc amplis affectus Bonaventuram profecutus favoribus, quem sibi Angelo Seraphica similem reddidit natura. Ex quo; conjice, quàm feliciter hæc DEO sacræ crevere plantulæ, cùm Dominicus, augebatur ut Dominus, Franciscus crescebat ut minor; Ut notum fieret fuisse etiā ante Ingeniosos ingenia, quorū unum, totum fundatoriā luce collustraret Orbem. Alterum MINORI illapsu, sanctos ageret dolos. Sed quò iterum cum motore moveor Angelo? Parcite Auditores Sapientissimi, Turpem usq; nunc quia inimicam, filius Subtilis Aquilæ infectatus noctuam, tantisper motibus aberravi. Jam autem ut Doctrinam moveam Angelici Doctoris, summa est, in Cujus Summa, summa omnia. Explicari potest hæc summa non exhaustiri. Scientiam conclusit in partibus, hæc tamen partes, non minor resto. Eandem distinxit Articulis, quali misertum orbis Cælum,

Coelum, argutum erudisset Thomam, qui illum post tot discordes vocum, & sensuum strepitus, consonè crepantibus erudiret articulis. Evidentiam Evcharisticam dum fecit, penè celatum vidit in ea DEUM; quia Theologo afferente (*Scotus in 4. Distin. 10. qu. 9.*) id potest Angelus. Dulcem de eadem cecinit præana, tunc vel maximè Cignus Candidus, & Canorus. Quo præcinente, digna certè parodia, quam Humanatum in cænaculo præcineret VERBUM. Scripsit contra Gentiles, quasi pro DEO Apologiam faceret. Catenam ex Patribus confecit, ut vel Sanctiorem ageret Vulcanum, vel antiquum veritati redderet Herculem. Matthæum commentatus ac si Matthæo vicem præstaret Angeli. Jobi non lassus, interpretatus lessus tanquam Scholasticos plausus threnis alternaret. De virtutibus tractavit Theologicis, ille qui Pontificio Clementis sexti diplomate, Exemplar virtutum dictus. Magistrum Sententiarum discussit, salvà integritate Magistri, Discipulus supra Magistrum. Totam demum eruditionem complexus, ut vera abyssus pateret. Integram assecutus scientiam, ut Præfectus scientiæ ligno appareret Angelus. Cui doctum moventi, & illustranti mobile, adde, *sat Lucis ab uno*. Nec mirum tantam lucem sparsisse Thomam, cum Angelis Theologi oraculo, inferiores illuminare competat. Devotus Cruci affixo DEO, fumpsit penè *Lumen de Lumine*. Oppositus justitiæ Soli solita Astronomis effecit parelia, ad quæ secundum repercussit Solem. Dignus proinde, quem vel Divina commendarent ora, qui sola oracula fudit. Dignus, quem Orator DEUS, Panegyris VERBUM laudaret. Bene scripsit omnia Thomas, ubi VERBUM bene omnia fecit. Approbari melius scripta Thomæ non poterant, quàm ubi cor DEI bonum exstavit Verbum. Nullam subierunt censuram quæ DEUS ipse recensens esse bona censuit. De se tamen scriptis apprimè subscripsit, quasi probabilia probanda Scholis relinqueret; nec illis auctoritatis suæ adderet pondus, quæ de se luxuriantium mentium



leviora censentur. Ex quo disce Censor, arbiter esse ubi Numen Thomæ subscribens, neminem proscripsit. Sed non hic Angelus noster, motibus suis, terminalem meta tus metam, qui illud Cœlici meretur syngraphum globi, *Indefessus agendo*. Nullam enim labi permisit horam, ubi Titus diem, quam suis non consecraret laboribus. In verbis Tullius, in ambiguis Oedipus, in flexuosis Ariadna, in intricatis Alexander, nullam reliquit diem, in qua virtutis vel scientiæ lineam non duceret Apelles. Tantus sacrâ Oratione fuerat, ut etiam apud Infideles, fidem haberet. Et cùm proprium Oratori sit movere, plerosq; ut Orator, & motor Angelus, ad sacrum movit lavacrum. Tantus in conceptibus, ut etiam ad Regias dapes, solo concepto mente fieret satur alimento. A Gregorio, facilitando Concilio Lugdunensi deputatus, illo sedato, perfectam Ecclesiæ indixit sessionem. Erat stupore & visu dignum, cùm totum Concilium, ab uno Thoma consilium audiret. Singuli Patres, singules habebant Theologos, de illo Totum Concilium unum Theologum habuit. Sed cheu/ dum omnem in conquirenda pace Ecclesiæ movit lapidem, sibi sepulchralem non immotum reliquit motor Angelus. Exinde Lugduno rediens, in via felicem æternitatis obtinuit terminum. Æger ad sacram Cisteriensem decubuit familiam, ut felleum mortis bolum, melleus sibi condiret Bernardus. Illumq; moriens degustaret favum, quem Plato, Pindarusq; nascens prægustavit. Illam nasciturus Deo, prælibaret ambrosiam, quam olim natus sæculo prælibavit Ambrosius. Candido ad tempus adnumeratus Ordini, concolorem animo subiit diem: in quo prima illi laetæa ad Cœlum via. Infirmus explanavit Cantica, ut moriens sibi debitas præcineret inferias olor: Vel illud viventi sibi faceret officium, quod mortuo nunquam debebatur. Ovires, & virtutem, quibus sub mortis virus, infirmus Doctor cum firmo Salomone certavit. Atat, occupare dramate, post tot Doctorales laureas sacer poëta, sequetur candē, tua post Cantica funus. Pulchros utiq;  
cythara

eythara resonat sonos, donec ruptis obmutescat fidibus. Gratos ales concinit cantus, quoadusq; serus non veniat vesper. Et Tu animare in cantica, donec exanimeris. Noluit autē inter Patrios exanimari lares, ut sacrae suae Familiae, mortē non deberet, quae illi vitā debebat: illi mortē non adscriberet, à qua vitam accepit. Noluit suorum manibus inferri tumulo, ne illos proprio contristaret letho quos olim nitidā lætos effecerat luce. Ut etiā vigeret post fata, oculis tantū suorū subductus nō animis. Si anima magis est ubi amat, quā ubi animat divelli à suis Aquinas debuit, ut liberius efflaret Spiritū. Illis tamē sacra concessit Lipsana, ut cuius adhæserant animo, adhærent corpori. Ergo faceffe hinc Arthemisia Cariae Princeps, propriis cōdens visceribus Mausoli cineres, melius Thomas sepultus in animis, quā corporibus. Ah utinam tamen illi pisciculi, qui famē solā, satiarunt inediā, vel propriam Doctori comunicassent vitam, vel retardantem egissent Remoram. Sed elusit flumen istud vota piorum, ubi subterraneos adivit meatus. Nam ubi Lycus in Asia, Erasinus in Argocola, Tigris in Mesopotamia fluvii, Æsculapii fons Athenis, in Aquileiensi campo Timavus, Fossanovæ Aquinas noster terram subiit: Fossanovā in mortualem degenerante urnam, in fatalem abeunte fossam. Ivit, ivit Sol Aquinaticus fessus in Antipodas.

Boëtius      *Cadit Hasperias Phæbus in undas  
Sed secreto tramite rursus  
Currum solitos vertit ad ortus.*

Verbo, quinquagenarius Thomas, in anno Jubilæi, coeli consecutus indulgentiam. Atq; ita reperit etiam Coelos extra Cœlum, quibus motor astitit Angelus. Et qui usq; modo naturæ subditus legibus principium extitit motus, tandem mortuus quietis esse incepit. Pro quo Tibi nunc facerrima Prædicatorum Religio promeritos reddimus plausus, quod ejusmodi contineas prædicamentum ad quod ceu doctæ rei generalissimum caput, complures referuntur gradus.      Felicem te ordinē



ordinē dixerim, quæ eam Cathegoriarum coordinationē feci-  
sti, ut jam sapientia in certo consistat & genere & specie. Beatā  
Te nominārim familiam, quæ cū tales semper edas filios, qui  
omnibus prædicant, hunc singulari edidisti privilegio, qui ab  
omnibus prædicatur. Non hic Tua volo in cæteris prædicare  
merita, quæ Tuo Te prædicans nomine, & magnum Tui agis  
Præconem, & in magno semper reponeris prædicamento. Non  
hic Tuos volo rimari labores, quæ etiā minimā orbis laboribus  
replestirimam vel ideo, quia Tuæ candidæ nivi, nulla nō per-  
via rima. Quanta Tu es, quæ etiā Angelos gignis! & ubi Cœle-  
stes spiritus, sunt Angeli parvulorum, Tuus Angelus est Custos  
Doctorum. In lucidas Doctorū propagaris scintillas, nec mirū.

*Nam sole occiduo, sidera cuncta nitent.*

Quare non inideas suū Cosroæ cœlum, quando meliori titu-  
lo illud in Te coelasti, sive fundatoris Stellis, sive Aquinatico  
Sole, sive posthumis sideribus. Non inideas antiqua antiquo  
miracula orbi quādo in Aquinatico flumine ad orbis miraculū,  
Rhodiū solis fundasti Colossum. Vetera non mireris imperia,  
docto & Tu imperas orbi. Motos cœlorū non stupeas orbes,  
ex quo enim Motore tenes Angelum, cœlū Tibi debetur. Mo-  
narchicū prima cōquisti ordinē, ubi Principē, Sciētiæ acqui-  
sisti Thomam. Antiquā Divini brachii suscita sti virtutē, ubi in  
opere sex dierū, dicā clariū prope sex Centenorū, novum pro-  
duxisti Angelū. Hunc verò cū Minoritico hodie prædican-  
dū concedis ori, non minoraris, solos enim parvulos concernit  
Angelus. Congruū verò, Angelū ab affine sibi laudari nomine:  
pulchrius est, quando & ipse Scholasticus hostis, aliena profite-  
tur trophæa. Ideoq; non contemnendū ducite etiā de pusillis  
istis, quibus Angelica de more conceditur facies. Quod si autē  
balbutienti velut ore, commissa hætenus prolata sunt laudes;  
veniam date, illas namq; Minoris effudit lingua: Cui, in facie Angelici in-  
genii, non aliū esse competebat. Cæterū quod ulterius panegyrico plau-  
su, Motorem extra Cœlum non promoveat Angelum, extra mira-  
culum sit, quia continuò Angelus discessit ab eo. Dixi.

\*\*\*\*\*







